



Na osnovu člana 113. stav 2. tačka 1. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i člana 8. stav 1. Pravilnika o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica broj 891-12/2020 od 17.12.2020. godine, Izvršni odbor Vijeća na 38. sjednici održanoj dana 3. februara 2021. godine, raspisuje

**JAVNI KONKURS**  
**za dodjelu sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica**

**PREDMET JAVNOG KONKURSA**

Predmet javnog konkursa su projekti od opšteg interesa Bošnjaka u Republici Srbiji, u oblastima obrazovanja na bosanskom jeziku, kulture Bošnjaka i službene upotrebe bosanskog jezika i pisma.

**PRAVO UČEŠĆA NA JAVNOM KONKURSU**

Pravo učešća na javnom konkursu imaju fizička i pravna lica sa teritorija sandžačkih gradova i opština, kao i ostalih gradova i opština sa teritorije Republike Srbije.

Komisija za dodjelu sredstava fizičkim i pravnim licima za finansiranje i sufinansiranje projekata od opšteg interesa Bošnjaka (u daljem tekstu: Komisija), utvrđuje da li je pravno lice predlagač projekta/učesnik konkursa upisano u registar nadležnog organa, da li se, prema statutarnim odredbama, ciljevi tog pravnog lica ostvaruju u oblastima u kojima se projekat realizuje, kao i da li je račun tog pravnog lica u blokadi.

Pravo učešća na javnom konkursu **nemaju** fizička lica koja:

- sredstva za realizaciju odobrenog projekta su već obezbjedila na drugi način;
- imaju tekući račun u blokadi;

Pravo učešća na javnom konkursu **nemaju** pravna lica koja:

- sredstva za realizaciju odobrenog projekta su već obezbjedila na drugi način;
- imaju tekući račun u blokadi, poreske dugove i dugove prema organizacijama socijalnog osiguranja;
- brisana iz registara nadležnog organa, ili su u postupku likvidacije, stečajnom postupku ili pod privremenom mjerom zabrane djelatnosti;
- imaju u posljednje dvije godine kaznu pravosnažnom odlukom za prekršaj ili privredni prestup vezan za njihovu delatnost;
- nisu podnijela izvještaj o realizaciji projekata i/ili nisu opravdala sredstva dodijeljena za prethode projekte;
- nisu javno naznačila da je realizaciju konkretnog projekta podržalo Bošnjačko nacionalno vijeće u Republici Srbiji, za prethodno odobrene projekte;

## OBIM SREDSTAVA PREDVIĐENIH ZA DODJELU PO JAVNOM KONKURSU

Sredstva za realizaciju projekata obezbijedena su u budžetu Bošnjačkog nacionalnog vijeća u Republici Srbiji za 2021. godinu, na osnovu Finansijskog plana za 2021. godinu broj 906-09/2020 od 23.12.2020. godine, u ukupnom iznosu od **4.000.000,00** (slovima: četiri miliona) dinara, i to:

- sredstva u iznosu od 1.300.000,00 dinara za projekte u oblasti obrazovanja na bosanskom jeziku,
- sredstva u iznosu od 2.200.000,00 dinara za projekte u oblasti kulture Bošnjaka,
- sredstva u iznosu od 500.000,00 dinara za projekte u oblasti službene upotrebe bosanskog jezika i pisma.

Sredstva koja nisu raspodijeljena na javnom konkursu, biće prenamjenjena.

### ROK ZA PODNOŠENJE PRIJAVA

Javni konkurs je otvoren od 5. do 21. februara 2021. godine.

Fizičko ili pravno lice predlagač projekta/učesnik konkursa podnosi prijavu Komisiji u toku trajanja konkursa.

### NAČIN PRIJAVLJIVANJA NA KONKURS

Fizičko ili pravno lice predlagač projekta/učesnik konkursa prijedlog projekta dostavlja na bosanskom jeziku.

Prijave na konkurs podnose se Komisiji na posebnim obrascima koji su sastavni dio konkursne dokumentacije i čine sastavni dio Pravilnika o načinu, kriterijumima i postupku dodjele sredstava iz budžeta Bošnjačkog nacionalnog vijeća u Republici Srbiji za podsticanje projekata od opšteg interesa Bošnjaka koje realizuju fizička i pravna lica broj 891-12/2020 od 17.12.2020. godine.

Konkursna dokumentacija se može preuzeti sa zvanične internet stranice Bošnjačkog nacionalnog vijeća u Republici Srbiji ([www.bnv.org.rs](http://www.bnv.org.rs)).

Konkursna dokumentacija, potpisana od strane ovlaštenoga lica, sa potpunim pratećim obrascima, dostavlja se u elektronskoj formi na email adresu [glavni.ured@bnv.org.rs](mailto:glavni.ured@bnv.org.rs) ili u pošiljci u zatvorenoj koverti predatoj na pisarnici Vijeća ili poštom, sa naznakom: „**Prijava po javnom konkursu za finansiranje i sufinansiranje projekata od opšteg interesa Bošnjaka za 2021. godinu - ne otvarati**“. Na poleđini koverta potrebno je obavezno napisati puno ime i adresu fizičkog ili pravnog lica predlagača projekta/učesnika konkursa.

Prijave na konkurs i konkursnu dokumentaciju dostaviti najkasnije do isteka posljednjeg dana utvrđenog za podnošenje prijave na konkurs.

Neblagovremene prijave kao i prijave koje nisu iz oblasti obrazovanja na bosanskom jeziku, kulture Bošnjaka i službene upotrebe bosanskog jezika i pisma neće biti razmatrane. Nepotpune prijave će se smatrati neispravnim.

Fizičko ili pravno lice predlagač projekta/učesnik konkursa može podnijeti samo jednu prijavu na javni konkurs, sa jednim prijedlogom projekta.

## **TRAJANJE PROJEKTA**

Projekat mora biti realizovan najkasnije do isteka budžetske godine.

### **PREGLED KONKURSNE DOKUMENTACIJE KOJU JE POTREBNO DOSTAVITI**

Konkursna dokumentacija sadrži:

- popunjen prijavni obrazac i obrazac prijedloga projekta,
- popunjen obrazac budžeta projekta,
- pismene izjave partnera o saradnji na projektu, ako se projekat realizuje na taj način,
- izjavu saglasnosti da Komisija za potrebe postupka javnog konkursa može izvršiti uvid, pribaviti i obraditi lične podatke o činjenicama o kojima se vodi službena evidencija,
- drugu dokumentaciju koja je, po procjeni fizičkog ili pravnog lica predlagača projekta/učesnika konkursa, od značaja za dodjelu sredstava.

### **OSNOVNI I DOPUNSKI KRITERIJUMI ZA BODOVANJE PRIJEDLOGA PROJEKATA**

Komisija ocjenjuje prijave pristigle u skladu sa uslovima konkursa, prema propisanim kriterijumima.

Ocjena i izbor projekata koji će se finansirati sredstvima iz budžeta Vijeća vrši se primjenom sljedećih osnovnih kriterijuma:

- relevantnost projekta u oblastima iz nadležnosti Vijeća,
- konsultativno-participativni status u Vijeću,
- definisani ciljevi projekta, ciljna grupa i korisnici projekta, broj direktnih i indirektnih korisnika projekta i njihove potrebe kao i opšti doprinos projekta,
- održivost projekta,
- očekivani rezultati i efekti projekta,
- ekonomičnost budžeta projekta i odnos troškova i očekivanih rezultata i efekata,
- sufinansiranje projekta iz drugih izvora.

### **BLIŽA UPUTSTVA O USLOVIMA ZA PODNOŠENJE PRIJAVA I KRITERIJUMIMA ZA DODJELU SREDSTAVA**

Radi potpunijeg sagledavanja kvaliteta prijedloga projekata, Komisija može tražiti pojašnjenja prijedloga projekta i/ili obaviti intervju sa fizičkim ili pravnim licem predlagačem projekta/učesnikom konkursa, kao i predložiti korekciju prijedloga projekta.

Ukoliko se iznos odobrenih sredstva razlikuje od traženih sredstava za finansiranje projekta, Komisija može zahtijevati od podnosioca prijedloga projekata eventualno usklađivanje budžeta projekta odnosno rokova realizacije projekta.

Ukoliko podnosilac prijedloga projekta ne pristane na predložene korekcije od strane Komisije, smatraće se da je odustao od prijave na konkurs.

O sprovedenom postupku javnog konkursa Komisija vodi zapisnik.

## ROK ZA DONOŠENJE ODLUKE O IZBORU PROJEKTA

Primjenom propisanih kriterijuma, Komisija utvrđuje preliminarnu listu izabranih projekata po oblastima.

Preliminarnu listu izabranih projekata po oblastima, Komisija dostavlja odborima Vijeća na davanje saglasnosti. Odbori Vijeća daju saglasnost na projekte iz oblasti za koju su obrazovani.

Projekat koji ne dobije saglasnost odbora Vijeća se odbija.

Po dobijanju saglasnosti, Komisija sačinjava prijedlog odluke o izboru projekata koji će se finansirati ili sufinansirati iz budžeta Vijeća, sa navedenim iznosima novčanih sredstava, i isti dostavlja Izvršnom odboru Vijeća, najkasnije 30 dana od dana isteka roka za podnošenje prijave na javni konkurs.

Odluku o izboru projekata donosi Izvršni odbor Vijeća, na osnovu zapisnika o sprovedenom javnom konkursu i prijedloga odluke Komisije, u roku od 10 dana od dana podnošenja prijedloga odluke od strane Komisije.

Odluka o izboru projekata se objavljuje na zvaničnoj internet stranici Vijeća, nalogima na društvenim mrežama i oglasnoj tabli Vijeća, bez odlaganja, po njenom donošenju.

## SKLAPANJE UGOVORA O DODJELI SREDSTAVA

Nakon Odluke o izboru projekata sa izabranim podnosiocima prijave zaključuju se pojedinačni ugovori o dodjeli sredstava, kojim će precizno biti definisana prava i obaveze ugovornih strana.

Detaljne informacije o konkursu mogu se dobiti na telefon 020/315-608.

Javni konkurs je objavljen na zvaničnoj internet stranici Vijeća, nalogima na društvenim mrežama i oglasnoj tabli Vijeća, i na lokalnim medijima.

Mjesto: Novi Pazar  
Datum: 05.02.2021.godine  
Redni broj: 121-09/2021



Predsjednik Izvršnog odbora  
Prof. dr. Fahrudin Mavrić